



明詩正聲叙



詩蓋難言也不穀於斯道為甚淺敢

言詩哉獨見海內諸名家詩惟恐不得

聞譚詩者則傾耳聽之心實私慕乙

酉之秋姑兒倪生長卿致予白下與二

此為文字交久之謂不穀曰

好詩輯海內名公詩百餘家
未竟而終山其志不死願先生哀憫之
以卒其業願予不穀非知詩者幸二
三同社生則深于詩相與校讐汰去二
三每遇名人雅士則授之又相與汰去亦
三三所存無幾迺博采兼收旁蒐逖考
秦晉齊魯燕趙與夫三吳兩浙楚蜀
閩粵諸名家上及
洪武下暨

隆曆顯而王公晦而潛隱以迨閩秀衲
子羽人能者九百五十有奇共詩四千
首奇分為六十卷二百年

抄集於斯者幾過半矣我

明興之初高楊張徐首倡國朝之音
聿變季元之陋至弘正間北地信陽
力挽衰頽振宣風教而嘉隆萬曆大
雅輩出家握寸珠人懷尺璧輯我
明詩者亦非一人嘗讀諸家所輯矣西

蜀楊用脩之皇明詩抄江陰王乘忠之

皇明珠玉海鹽徐山人泰之皇明風雅

無錫俞汝成之盛明百家詩顧玄言之

國雅臨淮李師益十二家明詩江西益

王之盛明十二家詩上海李伯璵之文

東明穆敬甫之明七言律詩

伯承之明雋或精矣而不博或博矣而不擇或專近體而不求備或合衆體而不類分徐山人恭則詳江以南李尚寶伯承則詳江以北大都喜深沉者寡風致尚清輕者亾悲壯不穀初授是役若身墮武鄉侯八陣圖中愁雲黯陰風蕭瑟茫然莫知所往澄神端慮窮精闡微細分其條摠括其要求之數年稍有門戶可以出入遂不自揆度茹英拾華芟夷集蜩彙而成書東還海上里人江益化暨其弟仲翀季章一審讀更為刪定汰去者復十之

獲正風格流自性情燁然者天地
之色弘潤者江海之音高潔者山嶽之
峙冲融而秀拔者鳥獸艸木之敷榮
和暢也宮有適而商隨之鏗然金石之
聲幽感鬼神明移風俗足以盡人文
之變表

國家之大庶幾我

明三尺矣中間不無精粗小大豪縱綺
麗隱僻暢晦高下之不同鳳皇鳴于
崇崗鶴鶴鳴于叢篠各具妙音有
不可掩者古

論貞觀開元大曆貞元元和

出古人谿徑若王良之御閑我馳驅也
者總題曰明詩正聲然天下大矣幽貞
沈鬱之士冲舉閒曠之夫其抱甚大其
積甚深其養甚高余不得而遇者甚
衆得遇而深自秘惜者甚衆此又滄
海遺珠之憾也是編也倪子元肇其
端江季章昆仲竟其業實藉二三友
人之力于不穀何有有志于詩者取
是編而讀之未必無補于初學云曰甚
萬曆辛卯仲春廣陵盧純學子明

父撰

凡例

一我列 聖諸王詩集藏在秘府不可得見
間得諸王一二則錄之

一諸作不敢分品高下但以朝代先後而次第之或多而百篇少而一二篇非有所去取因其篇什之盛衰耳

一是編云正聲者以音律格調不出準繩之外也五七言古體五七言近體必以古人為的外是者畧之

詩人姓氏並以世次叙列里爵名字詳著其下疑者缺之中稍有年分叅差者考之未當也

一刻詩有或先或後不能如姓氏例者先得則先刻後得則後刻非有品第也

一姓氏下凡出仕者稱官有謚者稱謚太學生則太學生諸生則諸生之隱居高蹈之士則不稱可以例見

一諸名家不論列其始終評隲其人品者以名家輩衆多不及細詳之也

一樂府無非因古人題目模寫古人遺意未必能出古人之上其音律未必可歌之宗廟朝廷故不復如郭倩專以樂府為類只隨五七言古今體分載于諸躰之中如品

彙例

一詩人雖有仕元者暨入我朝人文蔚然彼亦丕變無復故習者亦采而輯之我人國朝之詩其蔚若林其藻若海足稱

名家者不知凡幾但一人之力有限不能
搜隱闡幽其所遺失者又不知凡幾故詩
有未錄者未得而錄也錄之而少者未得
全集也或得而擇之未精也姑俟續集再
為之輯

一五言古詩七言古詩五七言律詩五七言
絕句六言絕句五七言律各以類分一
如唐詩品彙例但不立正始正宗大家名
家門戶其諸公姓名各註詩下

一六言律詩自唐以來作者不幾人今得數
首附六言絕句之末

一父子兄弟俱以詩名者姓氏下即稱某人
子某人弟以見家學其里閭已著于前茲
不復稱

明詩正聲目錄

卷一 五言古詩一

高啓 四首 張羽 一首 徐賁 一首

劉基 五首 孫蕢 二首 黃哲 一首

汪廣洋 一首 林鴻 六首 袁凱 一首

張昱 二首 蘇伯衡 一首 吳植 一首

張以寧 一首 方孝孺 五首 郭奎 二首

朱昇 一首 王褒 一首 曾棨 一首

解縉 一首 王儼 四首 王恭 四首



明詩正聲

目錄

王 紱 二首 陳 亮 一首 周 玄 一首

黃 玄 一首 胡 儼 二首 桑 悅 一首

薛 瑄 二首 張 英 一首 李 東 陽 首

丘 濬 一首 王 直 一首 沈 周 一首

王 雲 鳳 一首 魯 道 一首 孫 睽 一首

卷之二 五言古詩二

李 夢 陽 首 十七 何 景 明 首 十六 顧 璘 二首

王 九 思 一首 邊 貢 五首 王 守 仁 三首

左 國 磯 二首 孫 一 元 二首 康 海 一首

王 廷 相 五首

卷之三 五言古詩三

徐 禎 卿 三首 孟 洋 一首 鄭 善 夫 九首

湛 若 水 一首 陸 深 一首 戴 冠 一首

常 倫 四首 楊 慎 六首 張 治 首

薛 蕙 首 十一 王 廷 陳 七首 許 宗 魯 首

敖 英 一首 豐 坊 二首 頓 鉞 首

卷之四 五言古詩四

趙 康 王 一首 睦 樸 二首 周 憲 王 四首

卷之六 高叔嗣 四首 栗應宏 一首

徐階 一首 唐寅 一首 李仁 一首

張時徹 八首 馮震 一首 華察 三首

廖道南 一首 李開先 一首 陸采 一首

劉汝松 三首 王寵 三首 沈愷 二首

唐詩 一首 張詩 二首 張虞卿 二首

盧楓 三首

卷之五 五言古詩五

薛甲 一首 陳鳳 一首 鄒頤賢 一首

張謙 三首 周復俊 一首 李遷 一首

劉汀 一首 靳學顏 一首 許應元 一首

駱文盛 一首 包節 一首 強仕 一首

喬世寧 一首 王問 二首 馮惟訥 一首

萬虞愷 一首 龔秉德 一首 蔣孝 一首

皇甫汸 一首 皇甫濂 二首 汪坦 五首

茅坤 一首 曹大同 一首 劉鳳 三首

李攀龍 八首 沈明臣 七首

卷之六 五言古詩六

王世貞 二十一首 徐中行 五首 吳國倫 二首

梁有譽 三首 宗臣 六首 楊魏 二首

楊綵 一首 李時行 三首

卷之七 五言古詩七

盧柟 七首 李先芳 四首 黎民表 二首

張佳胤 二首 俞允文 三首 王世懋 七首

陳文燭 二首 朱孟震 五首 于慎行 五首

梁辰魚 一首 陳有守 二首 郭第 二首

盧純忠 二首 張士瀾 一首 朱永年 二首

張邦仁 一首 王用章 一首 姚汝循 一首

朱察卿 一首 林世璧 三首 顧冶 四首

卷之八 五言古詩八

桑紹良 一首 梁柱臣 四首 宋登春 一首

江一夔 一首 湯顯祖 二首 張獻翼 一首

張燕翼 一首 胡應麟 三首 王叔承 三首

王穉登 七首 屠隆 八首 胡坦 一首

胡旦 二首 張文柱 一首 李一鶴 一首

袁懋謙 一首 孫中開 一首 鄧伯羔 二首

卷之九 五言古詩九

馬應乾 一首 徐桂 一首 孟華平 一首

楊承鯤 六首 汪禮約 二首 沈自邠 一首

柳應芳 二首 梅蕃祚 一首 黃之璧 三首

葉太叔 一首 孫朗 四首 張應文 二首

吳炤 一首 蕭譽 二首 王同軌 三首

倪光胤 三首 張璵 一首 江震祚 一首

董夫人 一首 釋宗泐 五首 釋夢觀 一首

釋果斌 一首

明詩正聲卷之一 五言古詩一

盧純學 選輯

廣陵 江一夔 校閱

高啓

寓感

攬轡登太行遙望洛北州
嶠函正西峙黃河復東流
百城無遺堵雲烟莽相繆
朝作冠蓋場暮為狐兔
丘昔人爭此地干戈迭相讐
當其得意時連陌擁鳴騶
百年奄忽盡魂魄空來遊
曷見

采芝叟冥栖無所求

其二

美女生貧家光艷人未識
遠聘入楚宮揚蛾欲
傾國朝遊瓊臺上夕侍金輿側
奉權擬千齡秋風失顏色
銜恩歸永巷貞意徒寂默
高高天上星墮作水底石
人事盡如斯推移嘆何極

慧聚寺

鳴鐘警迷方枯松兀趺牀
石姿生寒稜松子落古香殿
鎖山雨氣樓迎海暎光
遙望蒼蒼城中

有車馬場

剡原

欲知溪流長百轉來越嶠
舟行安能極嵐路入斜照
清景不足娛昔人豈辭詔
石研久難磨空林閉遺廟

張羽

張節婦

行者不復歸處者長相思
昔與君別者乃為大暮期
杲杲白日光其雨在何時
惟有明明月可

以比容輝兔絲附女蘿窈窕不相離青青忽已
槁纖纖難自持他山豈無木林木豈無枝念彼
綢繆好甘隨秋草萎感茲以終老鬢髮已如絲
耿耿栢舟誓千載同所歸

徐賁

古別離

清晨戒嚴裝送別河之干北風塞上起黃沙浩
漫漫冰雪日以繁徒旅日以寒不悲道路遠所
愁衣裳單徒行義不可徒使摧心肝流光信奔
馳君歸有時待但惜少年去坐令顏色改

劉基

旅興

窮巷屏人跡開門見青山青山似故鄉客子何
當還蟋蟀日夜鳴綠樹亦已殷白日駛西征浮
雲不可攀安得生羽翼奮飛出雲間

其二

日落天氣涼逍遙步庭墀蟋蟀已在宇鴻鴈來
何遲少壯輕遠遊衰老傷別離念我親與友各

在天一涯音容兩契濶悲歡絕相知鍛羽懷舊
林葺鱗思故池百年能幾何逝者無還期俛仰
增感歎有懷當與誰慙懃托宵夢聊用慰所思

郊游

草根螻蝻鳴湖上薰葭靡繁林溺深綠清池散
圓紫離居昧節序陶情賴佳士泛舟出郊甸緩
步信所履壺觴展倡酬及此晴日美嘯歌望山
川慷慨集悲喜歸雲出禹穴返照射宛委鳥啼
樹有風帆過烟在水興盡各言還適意聊復爾

感懷

我有綠綺琴其材出空桑金徽映玉軫音韻鏘
琳瑯上絃感薰風下絃來鳳皇世耳不欲聞子
期今則亡願持獻重華路阻川無梁

晚同方舟上人登獅子巖作

落日下前峰輕烟生遠林雲霞媚餘姿松栢澹
清陰振策縱幽步披榛陟層岑槿花籬上明莎
雞草間吟涼風自西來颼颼吹我襟榮華能幾
時搖落方自今逝川無停波急絃有哀音顧瞻

望四方悵焉愁思深

孫蕢

驅車上東門

良辰集賓友載酒登北邙百草何離離高墳被
山岡四野生悲風夕日寒無光狐狸穴空壙稚
子覓亡羊人生寄一世奄逝若朝霜高堂與大
宅終作荆棘場蓬萊隔弱水仙說成荒唐及時
且行樂勿用徒悲傷

雜詩

浮萍無根株泛泛江海間狂風簸巨浪漂泊何
當還亦似離家客長年去鄉關莽莽涉萬里迢
迢度千山沉憂損精魂遠道多苦顏無為歌此
詞惻愴傷肺肝

黃哲

舟次靈洲候鄜雄飛使回不至

湛露晨未晞秋華被原隰征途夙已戒承命履
遐邑桂水寒悠悠揚帆望不及川鱗想同泳羈
羽尚云戢維楫垂素期臨流重於邑睠然沮溺

耦詎灑楊朱泣

汪廣洋

夜直與架閣樂秉德期孫伯融不至

雙立碧玉餅對酌紫薇省長風吹翠梧初月下
金井幽懷鬱未開短髮醉慵整夜分羣籟沉窓
虛燭花冷

林鴻

驅車篇送張志道奉親樞歸清漳

驅車出東門我車已載脂况茲苦寒月歌此陟

岵悲夙駕指晨星日入不遑棲道路豈不遙筋
力亦云疲飛鳥為我吟孤猿為我啼浮雲結為
旆迴風亦淒其引領望故山丘壘何纍纍感彼
首丘志懷哉蓼莪詩

金雞巖僧室

遠公青蓮宇百尺構雲闕一逕入松蘿山泉濯
苔髮石房彈玉琴清響在林樾夜來滄海寒夢
遶波上月微吟白雲篇高興了未輟未能悟聲
聞安得離言說

遊芙蓉峰

密竹不知路渡溪微有蹤懸知石上約定向松
間逢物候變黃鳥菖蒲化蒙茸相望不可即裊
裊霜前鐘

江閣秋雲圖

山容夕初歛雲氣已歸壑何以散冲襟孤琴坐
江閣美人期不來天寒楓葉落

雲林清隱

夙性抱高致端居厭華簪尋泉鑿石壁結宇依
雲林經鋤有時閒班荆坐檉陰清飈引長嘯白
雲勸孤斟處默謝流俗任真曠冲襟惟應同調
者聽我丘中琴

經東山別墅

野墅在東山經過感疇昔縱橫醉時墨猶在池
上石林風颯以涼山容淡將夕緬懷携手人念
念不得釋

袁凱

書北山精舍壁

夙昔慕幽曠中年值奔走及茲始知返顧已成
皓首茲為山水選風氣固深厚清泉瀉幽磴白
雪被層阜既多緇素流况有耕釣叟初心已云
協雅言得兼受始來踈梅墮復此山櫻剖庶幾
去日遲誰謂行當久揮手謝朋侶吾將寄衰朽

張昱

古詩二首

襴衡輕狡人况以才自負將赴漁陽搨侮人還
自侮曹公豈容物嫁惡與黃祖值茲勗勦際焉
用鸚鵡賦所以賢達士貴在識時務

其二

嗣宗絕滅否善若處時晦詠懷數十篇倬爾追
漢魏駕車哭而返此豈無所謂嘯登廣武臺神
氣偶相會從來倜儻心土苴視富貴惟有步兵
厨可用時一醉

蘇伯衡

雜詩

還家信可喜還家亦可悲喜全骨肉親悲與故

舊辭吳越各異縣關河復間之明日一尊酒何
由共懽持戀戀不忍別戚戚臨交期童子笑謂
我悲戚亦奚為自非形與影安得長相隨

吳植

寄張國錄孟兼

昔別意何長重來歲華改沉憂誰與娛懷人邈
江海褰裳涉汀洲秋風被蘭茝日夕零露繁芳
馨為誰采嘉會諒難并良辰詎容待思君如明
月夜夜望光彩

張以寧

題節婦卷

妾有匣中鏡一破不復圓妾有絃上絲一斷不
復彈惟存古冰雪為妾作心肝死者倘復生剖
與良人看

方孝孺

閒居感懷二首

鳳隨天風下暮息梧桐枝羣鷗得腐鼠咲汝長
苦飢舉頭望八荒默與千秋期一飽諒易得所

存終不移

其二

池魚不知海越鳥不知燕蚯蚓霸一穴神龍輕
九天小大萬相殊豈惟物性然君子勿嘆息彼
誠可哀憐

次王仲縉感懷韻

東京多節士我懷管幼安騰身風塵表寵祿寧
肯干子魚不相諒高位屢超遷腐鼠欲見污聞
之媿心顏皜皜由夷姿迥出兩漢前彼哉阿世
者變滅同飛燿榮華神所戲貧賤節斯完此道
匪難知胡人為不然

次鄭好義見貽韻

赤驥困皂櫪垂頭避駑駘王良振長轡蹴踏風
雲開古來功名際何代無奇才當其未遇時誰
免蒙塵埃丈夫亮有命勿使心顏頹

其三

山中一尊酒慰此離別腸清夜步廣庭大星吐
寒芒向來負奇氣舉目空四方栖遲盛年至留

滯天南荒君看升帝閑不必真乘黃

郭奎

雜詩

孤月江上明清光泛流水北有愁思婦南有遊
蕩子蕩子行未歸思婦安所倚姑老在高堂貧
賤復如此君行忽逾年膏沐誰為理妾心金石
堅不逐浮雲起會合良未期離亂何時已君當
復來歸妾當效同死

贈別

蟋蟀悲歲暮起視夜何其淒淒霜露降蕙草颯
以衰薄言子當往軒車發何遲聊因一盃酒慰
此平生知采采西澗蘋悠悠懷我思我思諒能
已君心諒不違

朱昇

擬古

霜露悴百草蟋蟀鳴聲悲朔風寒以厲良人久
無衣時服委深篋路遠難致之仰視投林翮還
依故巢飛物性有如此念君歸無期矧當苦寒

節坐傷音問違

王褒

題新安汪子容壽藏卷

人生草上露回首日已晞
顧非金石姿焉用千載期
昨夜高堂歡薄暮南山陲
絃歌聲未歇涕淚沾裳衣
達人貴知命常用此道推
樂丘事已卜哀挽情亦悲
我生諒如寄九原行當歸
開尊面息所不醉復何為

曾榮

古詩

芳晨藹新霽弭節長河曲
睠茲丘園趣褰裳涉平陸
郊原渺空曠竚望舒遠目
村中夜來雨土脉高且沃
茆廬鷄犬靜日出烟樹綠
牛羊散平野隔水見樵牧
麥深雉初雒桑柔蠶已浴
老翁多懽顏生事亦云足
偶茲一留憩幽境愜所欲
僕夫戒前征迤邐出林麓
緬想塵外踪於焉恣遊矚

解縉

車遥遥

車輪何遥遥西上長安道不見車上人空悲道
傍草君行日已遠恩愛難自保憂來當何如一
夕夢顛倒豈無中山酒一浣我懷抱但恐三春
華顏色不再好車聲何辘辘風吹馬蹄塵願隨
馬蹄塵飛逐君車輪

王儼

送陳貢士

陳生江海士跋履當豪門五侯少知己倚劔思
平原海國一相訪別余歸故園杯銜霜夜月袂
拂秋山雲四望大野空蕭蕭鳴鴈羣意氣但自
許離懷何足論

菊逸為三衢金山人賦

郊原掩窮秋孤思久寥寂賴此霜下英庶以見
顏色開尊命濁醪取醉聊自適坐望飛鳥還下
見南山夕

發龍江和同官王洪之作昔使節之長沙
朝發龍河津駕言適南楚顧茲念王程臨流不

明言正卷
卷之二
三
遑處是時長風來遙空霽踈雨群山坐滅沒千
里但延竚豈不懷友生幸此息辛苦歸命諒有
期毋為惜乖阻

舟中望匡廬

茲山東南美植立雲霞中九疊縈秀色萬古青
茸茸我懷志靈竒絳帆喜相逢林端望飛瀑天
際數雲峰香爐紫烟滅玉鏡澄湖空飛翠落巾
袖毛髮䟽天風顧此逐行役無由訪仙蹤長詠
遠公傳坐憶東林鐘

王恭

舟經彭蠡

揚帆過彭蠡遠見匡廬色瀑布天上来芙蓉望
中碧東林鐘磬遠沽酒潯陽夕楓樹忽鳴猿淒
然念鄉國

獨酌言懷

林居絕輪鞅獨酌形亦忘百年會衰朽一室任
荒涼寤寐友千古游心見羲皇所以陶潛翁頽
然臥柴桑

送別

鷄鳴海氣白驅馬臨長陌
遠樹帶鳴蟬孤城對
行客蓬累我蕭然萍流子何適
相送獨銷魂青
山澹寒色

經友人故宅

策馬孤城下經過淚盈襟
閑門絳蠨蛸井竈莓
苔深念彼泉下人悽然杳難尋
蕭條故籬菊識
我平生心攬轡向前路徘徊
出寒林誰知山陽
笛惻愴猶至今

王紱

寫竹寄贈顧教授祿謹中

秋色起巫峽暝色迷湘渚
悵望千里遙佳人渺
何許幽期邈難值欲往復
延佇中夜獨遐思西
牕颯風雨

送楊得昂

我適桑乾歸君猶五溪去
飄然若萍梗何由復
相遇迢迢江上山歷歷烟中樹
後夜月明時相
思渺何處

陳亮

遊瑞巖

古磴入幽洞危亭俯層巔昔聞魑魅居幻作堦
率天生平愛竒觀雙屐勞攀緣安知窮海陬有
此佳山川涼秋天宇晶四野無浮烟憑高送遠
目海色清無邊開筵薦芳樽拂石看名鐫登臨
愜素賞感槩傷華顛一丘志未酬百慮紛相牽
日夕返吾策高懷徒悵然

周玄

歲晏紀懷書寄武林魏原夫

日晚雁聲急霜空洲上田農家事機杼織作涼
風前顧茲惻遠別悠悠阻山川百川竟到海豈
道無歸年但恐綠髮變將隨時事遷長歌市上
醉酒盡心如懸達夜風雪至蒼茫楚江邊自非
剡中客欲泛山陰舩野色動遠鷄天明路廻沿
相期有飛夢千里長周旋

黃玄

送曾綱歸青浦得樹字

握手城東門駕言首歸路人生浮世間俛仰安
得住去途苦云促交道嘆希遇歡咲顏易紅睽
違髮成素清川悵何極白日忽已暮飄然涼風
至振此芳林樹回首不見君遥遥隔煙霧

胡儼

秋懷

落葉走空階涼飈度脩竹踈星澹長河白露下
庭麓遊子行未歸清砧動華屋感此悲歲華何
由寄遐矚丹丘倘可期舉手招黃鵠

其二

東鄰有富姬窈窕艷妝束金縷錯舞衣錦衾爛
華褥那知西鄰女軋軋弄機軸終歲不下堂被
服常不足

桑悅

讀道書

塵世難縱步眷焉思十洲躡履登碣石濯纓臨
弱流折芳遺所思玉樹無春秋太虛一回首歲
月空悠悠

薛瑄

宿山亭

山深郵舍孤，入門晚色靜。
四顧足喬林，蕭蕭北風勁。
向夕啓重扉，窻戶倏已暝。
燃松代秉燭，明暗光靡定。
草草具杯酌，足發遠遊興。
拂曙陟前山，清風灑蘿徑。

洞庭遇雨

孤舟行何遲，歲晚洞庭雨。
跳波亂明珠，隨風颺細縷。
雲霧失君山，波浪連吳楚。
莫唱斑竹枝，別

思滿南浦

張英

古東門行

僕夫顧我悲，轅馬踟不行。
古來別離地，青草不復生。
居人攀桃李，悵望難為情。
流塵起阡陌，遠樹花冥冥。
欲向東門道，唱此東門行。
土中有朽骨，聞知復心驚。

李東陽

送徐用和之鎮原

明言正卷
卷之二
惻惻重惻惻與君各南北昔作同心人今為遠
行客燕山望秦關道路脩且棘平生舊駘馬十
步九歌側長風吹征衣黯淡塵土色莽莽天地
間胡為此行役功名豈不念所志在憂國此意
良獨知多言竟奚益

丘濬

擬古

依依重依依不忍生別離別離已可悲况值秋
風時柳衰不堪折情悲不堪說顛妾為小星君
身化明月明月青天飛小星恒相隨月出星亦
出月歸星亦歸莫學秋胡妻相逢不相識生者
固可慚死者亦何益

王直

艷歌行

翩翩春歸鴈秋至復來翔如何遠遊子兄弟各
異方山川何迢迢參辰夜相望寒風日以厲誰
與縫衣裳衣裳無與縫零露結為霜空林悄無
人但見明月光徘徊不能寐徙倚臨中堂睠彼

南飛翼故鄉安可忘

沈周

思遠行

露下芳草歇寒氣薄重幃幽處心獨驚行念君子衣君子別既久嗣音亦已稀愁來不成織空對流黃機揮淚如泉水明燭無光輝

王雲鳳

古意

中夜有所思所思君不知春風吹柔草秋風摧霜枝所以別離人悠悠負心期別離非所惜年華難再得只恐君來時妾已無顏色

魯道

關山月

漢家歸戰馬明月愁關山烏鳴玉門夜魂遊青海寒少婦長相思青鏡凋朱顏征衣空搗月猶自寄胡天

古樂府

孫勝

妾心如吳蠶君心如越燕越燕遇秋風一去不

日言正卷一
可見吳蠶戀舊簇到死絲方斷



